

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-23-21425/19  
Sarajevo, 27.11.2019. godine

Na osnovu člana 28. i člana 70. Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **I**

Prihvata se ponuda ponuđača „Ame“ d.o.o. Breza sa ponuđenom cijenom za ugovor u iznosu od 32.521,61 KM sa PDV-om u predmetu „Izvođenje dodatnih radova na tekućem održavanju kolovoznih površina na parkinzima po osnovnom ugovoru broj 02/12-23-13511/19 od 21.08.2019. godine“, u pregovaračkom postupku bez objave obavještenja o nabavci.

### **II**

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

## **Obrazloženje**

Na osnovu dostavljenog izvještaja o radu Komisije za javne nabavke radova i preporuke za dodjelu ugovora konstatovano je da je tokom realizacije Ugovora broj 02/12-23-13511/19 od 21.8.2019. godine o izvođenju radova na tekućem održavanju kolovoznih površina, od strane stručnog tehničkog nadzora dostavljena je informacija o potrebi dodatnih radova i to aktom broj ŠM-592-11/19 od 09.10.2019. godine. Shodno navedenom, Služba za investicije i komunalne poslove obratila se zahtjevom broj 02/08-23-sl/19SMS od 14.10.2019. godine za odobravanje postupka javne nabavke „Izvođenje dodatnih radova na tekućem održavanju kolovoznih površina na parkinzima po osnovnom ugovoru broj 02/12-23-13511/19 od 21.08.2019. godine“.

Postupajući po navedenom donesena je Odluka o pokretanju postupka javne nabavke, br. 02/12-23-21425/19 od 31.10.2019. godine, u skladu sa članom 18 stav 1. i članom 28. Zakona o javnim nabavkama, te je pokrenut postupak javne nabavke za izvođenje dodatnih radova na tekućem održavanju kolovoznih površina na parkinzima po osnovnom ugovoru broj 02/12-23-13511/19 od 21.08.2019. godine, putem pregovaračkog postupka bez objave obavještenja o nabavci. Poziv za učešće u pregovaračkom postupku broj 02/12-23-21425/19 od 01.11.2019. godine upućen je firmi „Ame“ d.o.o. Breza, za dostavu ponude za izvođenje dodatnih radova u predmetnoj nabavci.

Zapisnikom o otvaranju ponuda od 08.11.2019. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Ame“ d.o.o. Breza sa ponuđenom cijenom za ugovor u iznosu od 32.521,16 KM sa PDV-om.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ovlaštenim predstavnikom ponuđača o istom. Predstavnik ponuđača je tokom pregovora izjavio da je dostavljena ponuda ujedno i konačna. Zapisnici o otvaranju ponude i pregovaranju dostavljeni su ponuđaču na fax.

Komisija je izvršila analizu ponude i utvrdila da ista ispunjava uslove tražene tenderskom dokumentacijom, te izvršila računsku kontrolu ponude i konstatovala da nema računskih grešaka.

Nakon toga Komisija je putem Službe za investicije i komunalne poslove, dostavila konačnu ponudu stručno-tehničkom nadzoru na uvid. Nadzor je svojim aktom broj ŠM-592-15/19 od 15.11.2019. godine utvrdio da su jedinične cijene radova identične cijenama iz osnovnog ugovora, te je stručno-tehnički nadzor mišljenja da se predmetna ponuda može prihvatiti.

Imajući u vidu navedeno, na prijedlog Komisije za javne nabavke radova, a primjenom člana 64. stav 1. tačka b) Zakona o javnim nabavkama ("Službeni glasnik BiH" broj 39/14), odlučeno je kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  
mr. Nejra Smajić Šahić

**DOSTAVITI:**

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik

mr. Semir Efendić